


LITURGIA HORARUM

IN CANTU GREGORIANO



DIE 15 AUGUSTI
IN ASSUMPTIONE BEATÆ MARIÆ VIRGINIS
Sollemnitas

AD I VESPERAS

D E-us, **+** in adiu-tó-ri- um me- um inténde. R. Dómi-
ne, ad adiuvándum me fes-tí-na. Gló-ri- a Patri, et Fi-li- o,
et Spi- rí- tu- i Sancto. Sic-ut e-rat in princí-pi- o, et nunc,
et semper, et in sácu-la sácu-ló-rum. Amen. Al- le-lu- ia.

Hymnus

I
G Au- di- um mundi, nova stella cæ- li, pró- cre-
ans so- lem, pá-ri- ens pa-rén- tem, da ma-num lap-sis,
fer o-pem ca-dú-cis, vir- go Ma-rí- a.

2. Te Deo factam liquet esse scalam
qua tenens summa petit Altus ima;
nos ad excélsi remeáre cæli
cúlmina dona.

3. Te beatórum chorus angelórum,
te prophetárum et apostolórum
ordo prælátam sibi cernit unam
post Deitátem.

4. Laus sit excélsæ Tríadi perénnis,
quæ tibi, Virgo, tríbuit corónam,
atque regínam statuítque nostram
próvida matrem. Amen.

Psalmodia

I f

V Irgo prudentíssima, * quo progré- de- ris, qua-
si auró- ra valde rú- ti- lans ? Fí- li- a Si- on, to- ta for-
mó- sa et su- á- vis es, pulchra ut lu- na, e- léc- ta
ut sol. E u o u a e.

PSALMUS 112

Laudabile nomen Domini

Deposituit potentes de sede et exaltavit humiles (Lc 1, 52).

Laudáte, púeri Dómini, *
laudáte nomen Dómini.

Sit nomen Dómini benedíctum *
ex hoc nunc et usque in sæculum.
A solis ortu usque ad occasum *
laudábile nomen Dómini.

Excélsus super omnes gentes Dóminus, *
super cælos glória eius.

Quis sicut Dóminus Deus noster, qui in altis hábitat *
et se inclínat, ut respíciat in cælum et in terram?

Súscitans de terra ínopem, *
de stércore érigens páuperem,
ut cóllocet eum cum princípibus, *
cum princípibus pôpuli sui.

Qui habitáre facit stérilem in domo, *
matrem filiorum lætántem.

II^a a

A-ra-dí-si portæ * per te no-bis a-pértæ sunt,
quæ hó-di- e glo-ri- ó- sa cum ange- lis tri- úmphas.

E u o u a e.

PSALMUS 147

Instauratio Ierusalem

Veni, ostendam tibi sponsam uxorem Agni (Ap 21, 9).

Lauda, Ierúsalem, Dóminum; *
colláuda Deum tuum, Sion.

Quóniam confortávit seras portárum tuárum, *
benedíxit filii tuis in te.

Qui ponit fines tuos pacem *
et ádipe fruménti sátiat te.

Qui emíttit eloquium suum terræ, *
velóciter currit verbum eius.

Qui dat nivem sicut lanam, *
pruínam sicut cínerem spargit.

Mittit crystállum suam sicut buccéllas; *
ante fáciem frígoris eius quis sustinébit?

Emíttet verbum suum et liquefáciet ea, *
flabit spíritus eius, et fluent aquæ.

Qui annúntiat verbum suum Iacob, *
iustítias et iudícia sua Israel.

Non fecit táliter omni natióni, *
et iudícia sua non manifestávit eis.

II* a

E X-altá-ta est * sancta De- i Gé-ni-trix, super cho-
ros ange- ló- rum ad cæ-lésti- a regna. Eu o u a e.

CANTICUM

Eph 1, 3-10

De Deo salvatore

Benedictus Deus et Pater Domini nostri Iesu Christi,^{*}
qui benedixit nos in omni benedictione spirituali
in caelstibus in Christo,
sicut elegit nos in ipso ante mundi constitucionem,[†]
ut essemus sancti et immaculati^{*}
in conspectu eius in caritate,
qui praedestinavit nos in adoptionem filiorum[†]
per Iesum Christum in ipsum,^{*}
secundum beneplacitum voluntatis sue,
in laudem gloriae gratiae sue,^{*}
in qua gratificavit nos in Dilecto,
in quo habemus redemptionem per sanguinem eius,^{*}
remissionem peccatorum,
secundum divitias gratiae eius,[†]
qua superabundavit in nobis^{*}
in omni sapientia et prudentia,
notum faciens nobis mysterium voluntatis sue,^{*}
secundum beneplacitum eius,
quod proposuit in eo,^{*}
in dispensationem plenitudinis temporum:
recapitulare omnia in Christo,^{*}
qua in caelis et qua in terra.

Lectio brevis

Rom 8, 30

Quos Deus praedestinavit, hos et vocavit; et quos vocavit, hos et iustificavit; quos autem iustificavit, illos et glorificavit.

Responsorium breve

A
S-súmpta est Ma-rí-a in cæ-lum, * Gau-dent
ánge-li. ¶ Laudántes be-ne-dí-cunt Dómi-num.
¶ Gló-ri-a Patri, et Fí-li-o, et Spi-ri-tu-i Sancto.

Magnificat

VIII g
B
E-á-tam me di-cent * omnes ge-ne-ra-ti-ónes,
qui a fe-cit mi-hi magna qui po-tens est, alle-lú-ia.
Eu o u a e.

CANTICUM EVANGELIUM

Lc I, 46-55

Exsultatio animæ in Domino

Magníficat ✠ *

ánima mea Dóminum,
et exsultávit spíritus meus *
in Deo salvatóre meo,

quia respéxit humilitátem ancíllæ suæ. *

Ecce enim ex hoc beátam me dicent omnes generatiónes,
quia fecit mihi magna, qui potens est, *
et sanctum nomen eius,
et misericórdia eius in progénies et progénies *
timéntibus eum.

Fecit poténtiam in bráchio suo, *
dispérsit supérbos mente cordis sui;
depósuit poténtes de sede *
et exaltávit húmiles;
esuriéntes implévit bonis *
et dívites dimísit inánes.

Suscépit Israel púerum suum, *
recordátus misericórdiæ,
sicut locútus est ad patres nostros, *
Abraham et sémini eius in sæcula.

Preces

Deum Patrem omnipoténtem magnis láudibus extollámus, qui
Maríam matrem Fílii sui ab ómnibus generatióibus celebrári
vóluit, et ab eo súpplices petámus:

Plenam grátia intuérre, et exáudi nos.

Deus, mirábilium patrátor, qui immaculátam Vírginem Maríam
córپore et ánima cäléstis glóriæ Christi fecísti consórtem,
— filiórum tuórum corda ad eándem glóriam dífrige.

Qui Maríam dedísti nobis matrem, ipsa intercedénte, concéde
medélam lánguidis, solámen mæréntibus, véniam peccatóribus,
— et ómnibus salútem et pacem.

Qui Maríam plenam grátia fecísti,
— lätam grátiæ tuæ cópiam ómnibus concéde.

Ecclésia tua sit cor unum et ánima una in caritáte,
— et fidéles persevérerent unánimes in oratióne cum María, matre
Iesu.

Plenam grátia intuére, et exáudi nos.

Qui Mariám cæli coronásti regínam,
— fac ut defúncti in regno tuo cum sanctórum ágmine gáudeant
in æténum.

The musical notation consists of eight staves of square neumes on four-line red staves. The text of the Lord's Prayer is written below each staff, corresponding to the notes. The text is as follows:

P A-ter noster, qui es in cæ-lis, sancti-fi-cé-tur no-
men tu-um ; advé-ni- at regnum tu-um ; fi- at vo-lúntas
tu-a, sic-ut in cæ-lo, et in terra. Panem nostrum
co-ti-di- ánum da no-bis hó-di- e ; et dimít-te no-bis dé-
bi-ta nostra, sic-ut et nos dimít-timus de-bi-tó-ri-bus nos-
tris ; et ne nos indú-cas in tenta-ti- ó-nem, sed lí-be-ra
nos a ma-lo.

Oratio

Deus, qui beátam Vírginem Maríam, eius humilitátem respíciens, ad hanc grátiam evexísti, ut Unigénitus tuus ex ipsa secúndum carnem nascerétur, et hodiéna die superexcellénti glória coronásti, eius nobis prémibus concéde, ut, redemptiónis tuæ mystério salváti, a te exaltári mereámur. Per Dóminum.

D ómi-nus vo-bíscum. R. Et cum spí-ri-tu tu-o.

Be-ne-dí-cat vos omní-po-tens De-us, Pa-ter, et Fí-li- us,

et Spí-ri-tus Sanctus. R. Amen.

I - te, in pa-ce. R. De-o grá- ti- as.

AD LAUDES MATUTINAS

A musical score for the Matutinal Laudes. It features four staves of Gregorian chant notation on a four-line staff system. The notation consists of black square neumes on vertical stems. The first staff begins with a large initial letter 'D'. The lyrics are written below the staves in a Gothic script. The text reads:

D E-us, + in adiu-tó-ri- um me- um inténde. r. Dómi-
ne, ad adiuvándum me fes-tí-na. Gló-ri- a Patri, et Fi-li- o,
et Spi- ri- tu- i Sancto. Sic-ut e-rat in princí-pi- o, et nunc,
et semper, et in sácu-la sácu-ló-rum. Amen. Al- le-lu- ia.

Hymnus

A musical score for the Hymnus. It features three staves of Gregorian chant notation on a four-line staff system. The notation consists of black square neumes on vertical stems. The first staff begins with a large initial letter 'S' and a small 'I' above it. The lyrics are written below the staves in a Gothic script. The text reads:

I S O- lis, o Virgo, rá-di- is amícta, bis caput se-
nis red-imí-ta stel- lis, lu-na cui præ- bet pé-di-bus
sca-bél-lum, ín- cli- ta fulges.

2. Mortis, inférni domitríxque culpæ,
ássides Christo studiosa nostri,
teque regínam célebrat poténtem
terra polúsque.

3. Asseclas diae fidei tuére;
díssitos adduc ad ovile sacrum;
quas diu gentes tegit umbra mortis
úndique coge.

4. Sóntibus mitis véniam precáre,
ádiuva flentes, ínopes et ægros,
spes mica cunctis per acúta vitæ
certa salútis.

5. Laus sit excélsæ Tríadi perénnis,
quæ tibi, Virgo, tríbuit corónam,
atque regínam statuítque nostram
próvida matrem. Amen.

Psalmodia

II^{*} a

G Aude Ma-rí- a Virgo * cunctas hæ-re-ses so-la
inter-emí-sti in u-ni-vérsō mundo. E u o u a e.

PSALMUS 62, 2-9

Anima Dominum sitiens

Ad Deum vigilat, qui opera noctis reicit.

Deus, Deus meus es tu,*
ad te de luce vígilo.

Sitívit in te ánima mea, *
te desiderávit caro mea.

In terra desérta et árida et inaquósa, †
sic in sancto appárui tibi, *
ut vidérem virtútem tuam et glóriam tuam.

Quóniam mélior est misericórdia tua super vitas, *
lábia mea laudábunt te.

Sic benedícum te in vita mea *
et in nómine tuo levábo manus meas.

Sicut ádipe et pinguédine repleáтур ánima mea, *
et lábiis exsultatiónis laudábit os meum.

Cum memor ero tui super stratum meum, *
in matutínis meditábor de te,
quia fuísti adiútor meus, *
et in velaménto alárum tuárum exsultábo.

Adhæsit ánima mea post te, *
me suscépit déxtera tua.

vii a

B Ene-díc-ta es tu, * Virgo Ma-rí-a, a Dó-mi-no
De-o excél-so præ ómni-bus mu-li- é-ri-bus super terram.
E u o u a e.

CANTICUM

Dn 3, 57-88.56

Omnis creatura laudet Dominum

Laudem dicite Deo nostro, omnes servi eius (Ap 19,5).

Benedícite, ómnia ópera Dómini, Dómino, *
laudáte et superexaltáte eum in sæcula.

Benedícite, cæli, Dómino, *
benedícite, ángeli Dómini, Dómino.

Benedícite, aquæ omnes, quæ super cælos sunt, Dómino, *
benedícat omnis virtus Dómino.

Benedícite, sol et luna, Dómino, *
benedícite, stellæ cæli, Dómino.

Benedícite, omnis imber et ros, Dómino, *
benedícite, omnes venti, Dómino.

Benedícite, ignis et æstus, Dómino, *
benedícite, frigus et æstus, Dómino.

Benedícite, rores et pruína, Dómino, *
benedícite, gelu et frigus, Dómino.

Benedícite, gláicies et nives, Dómino, *
benedícite, noctes et dies, Dómino.

Benedícite, lux et ténebræ, Dómino, *
benedícite, fúlgura et nubes, Dómino.

Benedícat terra Dóminum, *
laudet et superexálte eum in sæcula.

Benedícite, montes et colles, Dómino, *
benedícite, univérsa germinántia in terra, Dómino.

Benedícite, mária et flúmina, Dómino, *
benedícite, fontes, Dómino.

Benedícite, cete et ómnia quæ movéntur in aquis, Dómino, *
benedícite, omnes vólucres cæli, Dómino.

Benedícite, omnes béstia et pécora, Dómino, *
benedícite, filii hóminum, Dómino.

Bénedic, Israel, Dómino, *
laudáte et superexaltáte eum in sæcula.

Benedícite, sacerdótes Dómini, Dómino, *
benedícite, servi Dómini, Dómino.

Benedícite, spíritus et ánimæ iustórum, Dómino, *
benedícite, sancti et húmiles corde, Dómino.

Benedícite, Ananía, Azaría, Mísael, Dómino, *
laudáte et superexaltáte eum in sæcula.

Benedicámus Patrem et Fílium cum Sancto Spíritu; *
laudémus et superexaltémus eum in sæcula.

Benedíctus es in firmaménto cæli *
et laudábilis et gloriósus in sæcula.

In fine huius cantici non dicitur Gloria Patri.

viii g

H Odi- e nómen tú- um * i- ta magni- fi-cá-vit
Dómi-nus, ut non re-cédat laus tú- a de ó- re hó-
mi-num. E u o u a e.

PSALMUS 149

Exsultatio sanctorum

Fili Ecclesiæ, filii novi populi exsultent in rege suo: in Christo (Hesychius).

Cantáte Dómino cáanticum novum; *

laus eius in ecclésia sanctórum.

Lætetur Israel in eo, qui fecit eum, *

et filii Sion exsúltent in rege suo.

Laudent nomen eius in choro, *

in týmpano et cíthara psallant ei,

quia beneplácitum est Dómino in pôpulo suo, *

et honorábit mansuétos in salúte.

Iúbilent sancti in glória, *

læténtur in cubílibus suis.

Exaltationes Dei in gútture eórum *

et gládii ancípites in mánibus eórum,

ad faciéndam vindíc tam in natióibus, *

castigatiónes in pôpulis,

ad alligándos reges eórum in compédibus *

et nóbiles eórum in mánicis férreis,

ad faciéndum in eis iudícium conscríptum: *

glória hæc est ómnibus sanctis eius.

Lectio brevis

Cf. Is 61, 10

Gaudens gaudébo in Dómino, et exsultábit áнима mea in Deo
meo, quia índuit me vestiméntis salútis et induménto iustítiae
circúmdedit me, quasi sponsam ornátam monílibus suis.

Responsorium breve

H Odi- e Ma-ri- a Vir- go * Ad cæ- los
ascén-dit. ¶ Et in æ-ténum cum Chris-to tri- úmphat.
¶ Gló-ri- a Patri, et Fí- li- o, et Spi- ri- tu- i Sancto.

Benedictus

Ig Q UÆ est ista, * quæ ascéndit sic-ut auró-ra con-
súrgens, pulchra ut lu- na, e-lécta ut sol, ter-
rí-bi- lis ut castró-rum á-ci- es ordi-ná-ta ? E u o u a e.

CANTICUM EVANGELIUM

Lc I, 68-79

De Messia eiusque præcursorē

Benedíctus + Dóminus Deus Israel,
quia visitávit et fecit redemptiónen plebi suæ
et eréxit cornu salútis nobis *
in domo David púeri sui,

sicut locútus est per os sanctórum, *
qui a sæculo sunt, prophetárum eius,
salútem ex inimícis nostris *
et de manu ómnium, qui odérunt nos;
ad faciéndam misericórdiam cum pátribus nostris *
et memorári testaménti sui sancti,
iusiurándum, quod iurávit ad Abraham patrem nostrum, *
datúrum se nobis,
ut sine timóre, de manu inimicórum liberáti, *
serviámus illi
in sanctitáte et iustítia coram ipso *
ómnibus diébus nostris.
Et tu, puer, prophéta Altíssimi vocáberis: *
præfíbis enim ante fáciem Dómini paráre vias eius,
ad dandam sciéntiam salútis plebi eius *
in remissiónem peccatórum eórum,
per víscera misericórdiae Dei nostri, *
in quibus visitábit nos óriens ex alto,
illumináre his, qui in ténebris et in umbra mortis sedent *
ad dirigéndos pedes nostros in viam pacis.

Preces

Salvatórem nostrum celebrántes, qui ex María Vírgine nasci dig-
nátus est, exorémus dicéntes:

Plenam grátia intuére, et exáudi nos.
Verbum ætérnum, quod Maríam habitatiónis tuæ arcam incor-
ruptíbilem elegísti,
— líbera nos a corruptióne peccáti.
Redémptor noster, qui Vírginem Maríam thálánum puríssimum

habitationis tuæ et Spíritus Sancti fecísti sacrárium,
— nos templum tui Spíritus fac perénne.


Plenam grátia intuére, et exáudi nos.

Rex regum, qui matrem tuam córpore et ánima tecum voluísti in
cælum assúmptam,
— fac ut quæ sursum sunt semper cogitémus.

Dómine cæli et terræ, qui Maríam regínam a dextris tuis astáre
fecísti,
— tríbue nos eiúsdem glóriæ meréri consórtium.

The musical notation consists of ten staves of square neumes on four-line red staves. The first staff begins with a large capital 'P'. The lyrics are written below each staff, aligned with the corresponding musical notes. The text is the Lord's Prayer in Latin.

P A-ter noster, qui es in cæ-lis, sancti-fi-cé-tur no-
men tu-um ; advé-ni- at regnum tu-um ; fi- at vo-lúntas
tu- a, sic-ut in cæ-lo, et in terra. Panem nostrum
co-ti-di- ánum da no-bis hó-di- e ; et dimít-te no-bis dé-
bi-ta nostra, sic-ut et nos dimít-timus de-bi-tó-ri-bus nos-
tris ; et ne nos indú-cas in tenta-ti- ó-nem, sed lí-be-ra



nos a ma- lo.

Oratio

Omnípotens sempitérne Deus, qui immaculátam Vírginem Mariám, Fílli tui Genetrícem, córpore et ánima ad cælestem glóriam assumpsísti, concéde, quæsumus, ut, ad supérna semper inténti, ipsíus glóriæ mereámur esse consórtes. Per Dóminum.

D ómi-nus vo-bíscum. ¶ Et cum spí-ri-tu tu-o.

Be-ne-dí-cat vos omní-po-tens De-us, Pa-ter, et Fí-li- us,
et Spí-ri-tus Sanctus. ¶ Amen.

I - te, in pa-ce. ¶ De-o grá- ti- as.

AD II VESPERAS

D
E-us, **+** in adiu-tó-ri- um me- um inténde. **R.** Dómi-
ne, ad adiuvándum me fes-tí-na. Gló-ri- a Patri, et Fi-li- o,
et Spi- rí- tu- i Sancto. Sic-ut e-rat in princí-pi- o, et nunc,
et semper, et in sácu-la sácu-ló-rum. Amen. Al- le-lu- ia.

Hymnus

I
G
Au- di- um mundi, nova stella cæ- li, pró- cre-
ans so- lem, pá-ri- ens pa-rén- tem, da ma-num lap-sis,
fer o-pem ca-dú-cis, vir- go Ma-rí- a.

2. Te Deo factam liquet esse scalam
qua tenens summa petit Altus ima;
nos ad excélsi remeáre cæli
cúlmina dona.

3. Te beatórum chorus angelórum,
te prophetárum et apostolórum
ordo prælátam sibi cernit unam
post Deitátem.

4. Laus sit excélsæ Tríadi perénnis,
quæ tibi, Virgo, tríbuit corónam,
atque regínam statuítque nostram
próvida matrem. Amen.

Psalmodia

VII a

A S-sumpta est * Ma-rí- a in cæ- lum : gaudent án-
ge- li, laudántes be-ne-dí-cunt Dómi-num. E u o u a e.

PSALMUS 121

Civitas sancta Ierusalem

Accessistis ad Sion montem et civitatem Dei viventis, Ierusalem celestem
(Hebr 12, 22).

Lætátus sum in eo quod dixérunt mihi: *
«In domum Dómini íbimus».
Stantes iam sunt pedes nostri *
in portis tuis, Ierúsalem.

Ierúsalem, quæ ædificáta est ut cívitas, *
sibi compácta in idípsum.

Illuc enim ascendérunt tribus, tribus Dómini, *
testimónium Israel, ad confiténdum nómini Dómini.
Quia illic sedérunt sedes ad iudícium, *
sedes domus David.

Rogáte, quæ ad pacem sunt Ierúsalem: *
«Secúri sint diligéntes te!

Fiat pax in muris tuis, *
et secúritas in túrribus tuis!».

Propter fratres meos et próximos meos *
loquar: «Pax in te!».

Propter domum Dómini Dei nostri *
exquíram bona tibi.

VIII g

M A-rí- a * Vir-go assúmpta est ad æthé-re-um thá-
lamum, in quo Rex re-gum stellá-to se- det só-li- o.

E u o u a e.

PSALMUS 126

Vanus labor sine Domino

Dei ædificatio estis (1 Cor 3, 9).

Nisi Dóminus ædificáverit domum, *
in vanum labórant, qui ædíficant eam.

Nisi Dóminus custodíerit civitátem, *
 frustra vígilat, qui custódit eam.
 Vanum est vobis ante lucem súrgere et sero quiéscere, †
 qui manducáti panem labóris, *
 quia dabit diléctis suis somnum.
 Ecce heréditas Dómini filii, *
 merces fructus ventris.
 Sicut sagíttae in manu poténtis, *
 ita filii iuventútis.
 Beátus vir, qui implévit pháretram suam ex ipsis: *
 non confundétur, cum loquéatur inimícis suis in porta.

VII c2

B E-ne-díc- ta * fí- li- a tu- a Dómi-no, qui- a per
 te fructum vi- tæ commu-ni-cá-vimus. E u o u a e.

CANTICUM

De Deo salvatore

Eph 1, 3-10

Benedíctus Deus et Pater Dómini nostri Iesu Christi, *
 qui benedíxit nos in omni benedictióne spiritáli
 in cælestibus in Christo,
 sicut elégit nos in ipso ante mundi constitutióinem, †
 ut essémus sancti et immaculáti *
 in conspéctu eius in caritáte,
 qui prædestinávit nos in adoptiónem filiórū †
 per Iesum Christum in ipsum, *
 secúndum beneplácitum voluntatis suæ,

in laudem glóriæ grátiæ suæ, *
 in qua gratificávit nos in Dilécto,
 in quo habémus redemptióinem per sanguinem eius, *
 remissióinem peccatórum,
 secúndum divítias grátiæ eius, †
 qua superabundávit in nobis *
 in omni sapiéntia et prudéntia,
 notum fáciens nobis mystérium voluntátis suæ, *
 secúndum beneplácitum eius,
 quod propósuit in eo, *
 in dispensatióne plenitúdinis téporum:
 recapituláre ómnia in Christo, *
 quæ in cælis et quæ in terra.

Lectio brevis

1 Cor 15, 22-23

Sicut in Adam omnes moriúntur, ita et in Christo omnes vivificabúntur. Unusquisque autem in suo órdine: primitiæ Christus; deinde hi, qui sunt Christi.

Responsorium breve

M A-rí- a Virgo ex- al-tá-ta est * Su-per
 cho- ros ange- ló- rum. ¶ Be-ne-díctus Dómi-nus, qui
 ex-al-tá- vit e- am. ¶ Gló-ri- a Patri, et Fí- li- o,



Magnificat

vIII g²

H Odi- e * Ma- rí- a Virgo cæ- los ascéndit :
gaudé-te, qui- a cum Christo regnat in ætérnum.

E u o u a e.

CANTICUM EVANGELIUM

Lc 1, 46-55

Exsultatio animæ in Domino

Magníficat ^{*}

ánima mea Dóminum,
et exsultávit spíritus meus ^{*}
in Deo salvatóre meo,
quia respéxit humilitátem ancíllæ suæ. *

Ecce enim ex hoc béatam me dicent omnes generatiónes,
quia fecit mihi magna, qui potens est, *
et sanctum nomen eius,
et misericórdia eius in progénies et progénies *
timéntibus eum.

Fecit poténtiam in bráchio suo,^{*}
dispérsit supérbos mente cordis sui;
depósuit poténtes de sede^{*}
et exaltávit húmiles;
esuriéntes implévit bonis^{*}
et dívites dimísit inánes.

Suscépit Israel púerum suum,^{*}
recordátus misericórdiæ,
sicut locútus est ad patres nostros,^{*}
Abraham et sémini eius in sæcula.

Preces

Deum Patrem omnipoténtem magnis láudibus extollámus, qui
Maríam matrem Fílii sui ab ómnibus generatióibus celebrári
vóluit, et ab eo súpplices petámus:

Plenam grátia intuére, et exáudi nos.

Deus, mirábilium patrátor, qui immaculátam Vírginem Maríam
córpoore et ánima cælestis glóriæ Christi fecísti consórtem,
— filiòrum tuórum corda ad eándem glóriam dírige.

Qui Maríam dedísti nobis matrem, ipsa intercedénte, concéde
medélam lánguidis, solámen mæréntibus, véniam peccatóribus,
— et ómnibus salútem et pacem.

Qui Maríam plenam grátia fecísti,
— lætam grátiæ tuæ cópiam ómnibus concéde.

Ecclésia tua sit cor unum et ánima una in caritaté,
— et fidéles persevérrent unánimes in oratióne cum María, matre
Iesu.


Qui Maríam cæli coronásti regínam,
— fac ut defúncti in regno tuo cum sanctórum ágmine gáudeant
in ætérnūm.

P


A-ter noster, qui es in cæ-lis, sancti-fi-cé-tur no-
men tu-um ; advé-ni- at regnum tu-um ; fi- at vo-lúntas
tu-a, sic-ut in cæ-lo, et in terra. Panem nostrum
co-ti-di- ánum da no-bis hó-di- e ; et dimít-te no-bis dé-
bi-ta nostra, sic-ut et nos dimít-timus de-bi-tó-ri-bus nos-
tris ; et ne nos indú-cas in tenta-ti- ó-nem, sed lí-be-ra
nos a ma-lo.

Oratio

Omnípotens sempitérne Deus, qui immaculátam Vírginem
Maríam, Fílli tui Genetrícem, córpore et ánima ad cælestem
glóriam assumpsísti, concéde, quæsumus, ut, ad supérna semper
inténti, ipsíus glóriæ mereámur esse consórtes. Per Dóminum.



Dómi-nus vo-bíscum. R. Et cum spí-ri-tu tu-o.



Be-ne-dí-cat vos omní-po-tens De-us, Pa-ter, et Fí-li- us,

et Spí-ri-tus Sanctus. R. Amen.

